

**NATIONAL ASSEMBLY OF
SEYCHELLES**

Tuesday 2nd July 2024

The Assembly met at 9 am

National Anthem

Moment of Reflection

Mr Deputy Speaker in the

Chair

MR DEPUTY SPEAKER

Mersi. Bonzour tou Manm Onorab. Bann Manm, bann *staff* Sekretarya Lasanble Nasyonal. Byenveni pour nou sesyon travay pour sa Mardi le 2 *juillet*. E nou annan en sesyon travay ase sarze pour sa 2 zour, ki enkli kestyon, Prozedlwa e osi Mosyon.

E avan ki nou komanse, petet piblik i ava'n remarke ler Lib Nasyonal pe zwe bann sez vid ki i annan dan Lasanble Nasyonal ozordi. Mon le zis reasir piblik ki sa bann Manm ki absan i an deor pei pour bann rezon ofisyel. Speaker pe asiste en Konferans bann Speaker lo Kontinan Lafrik.

I annan bann Manm ki lo Misyon *SADC-PF*. I annan bann Manm ki lo Misyon *Pan-African Parliamentary, PAP*. I annan Manm ki bann obzervater eleksyon *Grande-Bretagne* ki pe deroule.

Donk, tou bann dimoun i an deor pei e zot absante dan Lasanble ozordi, pour bann rezon ofisyel ki Lasanble in aprouve.

Nou annan bann kestyon ki nou pou komans lo la. E avan nou komanse, *Leader* Lopozisyon ti'n vin vwar mwan pour en *Matter of Privilege*. Onorab Pillay.

HON SEBASTIEN PILLAY

Mersi Mr Speaker. Bonzour tou dimoun ki pe swiv e bonzour tou Manm Onorab. Mr Speaker, mon pe *raise* sa *Matter of Privilege* an relasyon avek privez ki mon gannyen konman *Leader* Lopozisyon, pou anmenn en *Private Notice Question*, 6 erdtan avan ki *Question Time* i konmanse.

Mon bezwen met lo rikord ki akoz ki mon pou montre ki dan lentere pou donn *sufficient notice* bann Minis, mon pa servi 6 erdtan. Me mon *submit* en kestyon Lendi, pli tar 11er bomaten avek bann Minis.

Mon'n *submit* en kestyon sa semenn e mon'n realize poudir sa pe ariv frekaman, kot sak fwa mon *submit* en kestyon, i annan bann sanzman oubyen bann retar ki pe ganny arive sak fwa kestyon i ganny *submit*. Mon pa konnen akoz sa i leka.

Safwasi mon ti *submit* en kestyon ki ti lir, "Prenan kont

pri lavi ki pe kontinyelman monte, eski Gouvernman pa krwar in ler pou donn en logmantasyon sibstansyel dan sekirite sosyal ki bann pansyoner pe gannyen?”

Mon ti ganny en *call*. Mon ti ganny en konversasyon avek Deputy Speaker ki pe *Chair* dan plas Speaker, e i ti eksprim serten konsern vizavi sa kestyon.

E dan lespri pou anmenn sa kestyon lo *Order Paper*, mon ti dakor pou sanz sa kestyon pou fer li lir, “Kan eski Gouvernman pou donn en logmantasyon sibstansyel dan pansyon retret mye *connu* konman sekirite sosyal ki bann pansyoner pe gannyen?”

Nou piblik i a note poudir mon ti sanze sa kestyon. Apre sa mon'n re ganny ankor en lot *email*. Safwasi ki pe *advise* mwan poudir mon kestyon i bezwen ganny sanz ankor en fwa. Safwasi ti pe ganny propoze ki en *re wording* ki pou les Minis vin eksplik bann Polisi otour benefis retret oubyen sekirite sosyal.

Me sa kestyon safwasi ti pou lir, “Eski Gouvernman pe konsider revizyon dan pansyon retret mye *connu* konman sekirite sosyal ki bann pansyoner i gannyen?”

Mon le met lo rikord, i pa mon louvraz konman *Leader* Lopozisyon pou demann Minis pou vin eksplik kwa kelkonk

Polisi dan Lasanble. Sa i travay bann *MNA* lo *bench* mazoriter. Bann *MNA* ki reprezant Gouvernman dan Lasanble Nasyonal. E se zot ki bezwen vin demann Minis pou vin devan Lasanble.

Mon kestyon ti pe demande kan pou donner?. E mon krwar Mr Speaker, dan sa fason ki pe arive ozordi, i pa normal pou ki mon kestyon pa'n ganny admet pou ganny met lo *Order Paper* lafason ki i ti'n ganny ekrir, akoz tou dimoun i agree ki pri lavi in monte.

Mon pa pou al dan detay sa ki mon'n gannyen an relasyon avek admisibilite kestyon anliny avek nou *Standing Order*. Me, si mon ganny oblize pou fer li, mon pou bezwen kapab eksplike.

Alors avek sa Mr Speaker, lefe ki mon santi poudir mon privez konman *Leader* Lopozisyon pa pe ganny respekte dan Lasanble Nasyonal. E lefe ki mon krwar poudir i annan en *attempt* pou anpes mon bann *PNQ* vin devan piblik, mon pa pe kontinyen, nou kote latab pa pe kontinyen pou pran par dan sa sesyon ozordi bomaten.

Nou pe proteste akoz nou santi poudir nou drwa e mon privez konman *Leader* Lopozisyon pa pe ganny respekte. Mon remerisi ou Mr Speaker. Kote parti *US*, nou pe

proteste sa desizyon pou pa *allow* sa *PNQ* lo sa bann *grounds* ki'n ganny donner. Mon remerci ou Mr Speaker e nou pou kit lasal. Mersi.

MR DEPUTY SPEAKER

Mon'n toleran ozordi bomaten. *Leader* Lopozisyon ti vin vwar mwan avan Lasanble i komanse. Parey *Standing Orders* i dir avek nou, anba *Order* 40. Ki si ou le *raise* en *Matter of privilege*, ou bezwen vwar, enform Speaker avan.

E mon ti met a latansyon *Leader* Lopozisyon ki letan en kestyon i ganny refize, *Order* 31(6) nou *Standing Orders* i dir avek nou ki ou bezwen fer en reprezantasyon an prive avek Speaker lo sa size. E ki ou pa *raise* li koman en *Point of Order* dan Lasanble.

In ensiste ki sa i en *Matter of Privilege*. E mon ti dir ek li poudir mon pou evok *Order* 25 ki fer kler ki sa *Matter of Privilege* ti merit ganny pran ler tou bann lezot kestyon ti'n merit ganny pran.

Me dan lespri ki nou ti termin Lasanble avek semenn pase, alor mon ti pare pou donn li laparol. E mon rezerv mon *right* pour mwan donn en *ruling* lo sa *Matter of Privilege*.

Donk, sa i size ki mon le met devan Lasanble ozordi bomaten e i annan de lezot Manm osi ki'n vin vwar mwan avan Lasanble i konmanse e in

demann mwan pour fer en pwen bomaten.

Dabor mon pou donn laparol *chairperson defense and security community* Onorab, Clifford Andre.

HON CLIFFORD ANDRE

Mersi Mr Speaker. Bonzour Mr Speaker, bonzour bann Onorab, bonzour bann dimoun ki a le kout.

Mr Speaker, mon'n demann la parol bomaten parey mon'n enform ou, se pou mwan donn piblik Seselwa ek Lasanble en kontrandi lo sa demars ki Konmite La Defans. Apre lenvitasyon ki *VP Afif* ti *extend* avek nou. Ki menm si i pa ti'n *extend* sa lenvitasyon nou ti pou demande pou nou antreprann sa lenvestigasyon akoz i tonm dan *purview* e nou *TOR* ki nou, nou annan.

Mon oule enform piblik Seselwa ki nou pe fer sa lenvestigasyon dan tou transparans Mr Speaker, akoz *LDS* nou krwar ki letan en keksoz i ganny leve, transparans i bezwen ganny vwar e bezwen ganny fer.

Alors nou'n konmans en lenvestigasyon, nou pou demann bann dimoun konsernen pou zot vin kot nou.

Nou pou ekrire zot pour zot vin kot nou pou nou ganny serten lenformasyon, serten klarifikasyon lo sa transpor

Nyala. Ki dan nou pei ozordi e parey zot in ganny sans vwar yer dan nouvel nou'n vizit sa transpor. Nou'n vizite, nou'n fer nou, nou'n tir serten portre e nou'n fer serten analiz, *primary analysis* lo sa transpor.

E nou'n demann bann antite ki *involve* ladan, se Lapolis. Annefe ozordi bomaten nou pou ganny bann dokimantasyon, bann korespondans e bann portre ki'n ganny tire lo sa transpor ki sa tim ti al fer en vizit letan ti al Sid Afrik. E nou pou fer sir ki nou, nou pa'n donn en dele letan pou nou konklir sa lenvestigasyon aköz parey nou dir nou pe esper dokimantasyon.

E alors i neser ki nou fer sa travay byen e osi vit ki nou kapab me nou pe demann zot, zot lendilzans pou nou kapab fer sa travay.

E osito Mr Speaker, ki nou fini par lefe ki sa i en konsern defans ek sekirite i kapab annan serten laspe ki merit annan en demann pou de klasifye serten lenformasyon alors nou ava fer sa a letan apropiye.

E pou nou kapab fer sir ki nou donn sa rapor swa an antye swa parsyel avek Lasanble, e osi avek piblik, medya i ava ganny envite pou zot kapab *at least* vwar nou konklizyon ki nou'n fer ladan.

Mon ti a kontan dan sa konteks Mr Speaker, pou dir ki yer dan nou vizit i ti bi partizan e Manm Lasanble lo kote *US* e lo kote *LDS* ti prezan a leksepsyon Onorab, Arissol ki pa dan pei.

So, Onorab Vidot. Avek Onorab, Gill ki pa ti kapab fer li e in eksprim son leskiz ki'n ganny aksepte, alors i pa en vizit ki nou pe fer zis nou tousel oubyen zis pou faver Gouvernman *LDS* ki o pouvwar ozordi.

Se pou nou fer sir ki nou anmenn laklerte dan tou sa ki'n pase e pou nou fer sir ki dan lefitir en tel sityasyon pa ganny repete e ki larzan *tax payers* i ganny byen depanse dan son fason ki fodre.

Avek sa Mr Speaker, mon ti a kontan remersye ou.

MR DEPUTY SPEAKER

Mersi Onorab, Andre.

Lot Manm ki ti'n vin vwar mwan e demann permisyon pou fer en kominikasyon se Vis *Chairman* komite ki *deal* avek bann size *food security* Onorab, Waven William mon ti ava donn ou la parol.

HON WAVEN WILLIAM

Mersi Mr Speaker. Bonzour tou dimoun ki a le kout. Mr Speaker, lo lapar *Chairman* e Komite *Food Security* avek *Sustainable Development*. Mon ti a kontan, baze lo ou demann

e ki ou ti fer avek nou Merkrede pase letan Lasanble ti fini.

Si sa de parti ki reprezante isi dan sa Lasanble pa kapab zwenn ansanm pou kapab fer en travay par lefe ki nou pa ti aprouv sa Mosyon anmennen par *Leader* Lopoziyon.

Kot pou kre en nouvo komite zil pou al fer sa travay lo *Assumption* e nou ti a kontan *extend* en lenvitasyon avek lot kote pou zot anvoy zot nominasyon atraver ou lofis Mr Speaker, si zot ti a kontan partisip ansanm avek nou.

E mwan anvi met devan lo rikord ki komite, nou'n ganny bann lenformasyon apropiye e nou santi poudir a sa moman la i ankor *premature* pou nou kapab fer en travay vreman entansif.

Me nou aprann poudir i annan en *EIA* ki sipoze ganny fer *class 1*, so letan sa i ganny fer rapor i ganny prezante, nou pou al vreman dan sa travay pou vwar egzaktaman kwa ki pe arive.

E mon santi poudir Gouvernman osi i ofet avek sa devlopman e napa naryen pou nou enkyet e alor Mr Speaker, ankor enn fwa atraver ou nou ti a kontan *extend* en lapel avek lot kote latab pou zwenn avek nou lo sa komite. Mersi Mr Speaker.

MR DEPUTY SPEAKER

Mersi pou sa lenvitasyon Onorab William e mon swete ki Lopoziyon i agree pou rezwenn sa komite ki alor Lasanble Nasyonal i kapab apros size bann devlopman ki pe arive lo zil elwanye dan en konteks bi partizan e dan lentere pei.

I annan en Manm Lopoziyon ki ankor dan lasal se Onorab Johan Loze ki mon vwar son lanmen anler.

Me avan mon donn li laparol mon le retourn lo size *Matter of Privilege* ki *Leader* Lopoziyon in leve bomaten.

Sa ki mon le enform Manm Lasanble e osi piblik a lekout, sete yer letan Dirizan Lopoziyon ti soumet son kestyon.

Mon ti resevwar son kestyon an ekrir, alor mon ti telefonn Dirizan Lopoziyon. Mon ti dan en sesyon travay avek *Seychelles Investment Board, Eden Bleu*. Me mon ti swazir pou sorti dan lasal e pou mwan kapab annan en konversasyon avek Dirizan Lopoziyon apropo son *PNQ*.

E sa konversasyon telefonn ti 10er 53 bomaten e mon ti enform Dirizan Lopoziyon ki mon annan en pe konsern avek son kestyon orizinal ki mannyer i ti'n ganny ekrir.

Akoz mon ti santi poudir i pa an konformite avek nou *Standing Orders*.

Son kestyon orizinal i ti fer referans avek en lopinyon. So, mon ti santi poudir i ti al kont *Order 36* nou *Standing Orders* e alor nou ti tonm dakor lo en fason pou li re ekrir son kestyon e i ti fer sa.

In re anvoye e mon'n *still* santi poudir in al kont *Standing Orders* akoz i ti pe rod en ipotez ki nou *Standing Orders* i dir nou pa kapab anvoy en kestyon pou ou demann lesplikasyon swa larepons dan ipotez.

Donk mon ti soumet en versyon kestyon ki *Standing Orders* i donn Speaker pouwar pou fer sa. E ler mon'n fer sa Dirizan Lopoziyon pa'n apresye sa ki mon'n fer e in deside pou li re soumet son kestyon parey ti ete orizinalman.

Alor mon ti'n ekrir li depi yer pou dir li ki annakor avek *Order 36(2)* mon pe kriy li pou enform li ki son *PNQ* ki ti 7enm pour lannen 2024 i pa admisib pour sa bann rezon swivan.

Premyerman, i vyol lord *36 (1)(2)* ki dir ki en kestyon pa merit konteni okenn largiman ouswa lopinyon. E dan son kestyon orizinal, par lefe ki i ti dir "prenon kont ki pri lavi pe kontinyelman monte" san ki i donn okenn fe ouswa sours en statistik pou kapab *back* sa *claim*, mon ti santi poudir sa i reste koman en lopinyon.

E osi dan son kestyon par lefe ki i ti dir, "e si Gouvernman pa krwar". Mon ti dir li poudir la mon santi ki i pe rod lopinyon Gouvernman ki *Standing Orders* i kler, i dir ou pa kapab fer sa. E sa se *Order 36 (1) (i)* ki dir ou ki dir en kestyon i pa merit ganny demande avek lobzektif pou ou ganny larepons dan en propozisyon ki en ipotez.

E apre ler i dir ki in ler pou donn en logmantasyon sibstansyel, mon ti dir li poudir sa i en ipotez. Akoz ki mannyer ou defini en logmantasyon sibstansyel, ki mannyer ou enterpret li, i reste ouver pou lenterpretasyon. E alor mon santi poudir i al kont *Standing Orders 36*. E mon ti dir ek li poudir sa i partikilyerman *36(2)(b)*. *36 (2)(b)* i donn mwan pouwar koman Speaker, pou *rephrase* son kestyon ki mon ti'n fer annakor avek *Standing Orders*.

E alor baze lo *Order 36*, e apre *by the time* ki nou'n ale *va-et-vient* reekrir, i ti'n fini al an deor letan ki *Order 35* i presize ki fodre i soumet son *PNQ*. Alors, se lo sa baz ki mon ti konsider son *PNQ* inadmisib.

E lo sa pwen, mon ava zis kosyonn tou bann Manm. Ler nou soumet kestyon ki swa i en *PNQ*, ki swa i en *Question With Notice* en *Question*

Without Notice ouswa en *Urgent Question*, nou bezwen touzour port atansyon avek *Order 36* ki koz lo konteni kestyon. E osi *Order 31* ki koz lo *scope of questions*.

Akoz i donn nou en limitasyon ki fodre nou kestyon i kadre ladan. Akoz si non, Speaker pou annan *ground* pou dir ou, ou kestyon i pa admisib ouswa i pou annan *ground* pou re ekrir ou kestyon.

E mon ava osi enform Lasanble avek piblik ki en lot Manm *LDS* Onorab Francois Adelaide, Manm Elekte pou distrik Baie Lazare ti soumet a *Question Without Notice*. E mon ti *call* Onorab poudir li mon santi ki sa kestyon i merit bokou plis letan pou Lasanble egzaminen. E dan kontrent letan ki nou ti annan ozordi bomaten, pa ti pou kapab pran sa kestyon. Onorab in konpran, Onorab pa'n fer okenn problem, i pa'n oule vin vwar mwan bomaten pou li *raise* okenn *Matter of Privilege*. In konpran dan ki lespri nou'n koze.

Alor mon ti pe ekspekte poudir nou kapab komans lo sa not. E alor vwala mon santi poudir privez Onorab Lopozisyon, *Leader* Lopozisyon pa'n ganny afekte. Akoz menm ler i kapab anmenn en *PNQ*, be en *PNQ* i bezwen touzour tonm anba

kad *Order 31* e *Order 36* ki met bann limitasyon. E ki napa personn ki pou *operate above* sa bann limitasyon ki *Standing Orders* in donnen apropo *Questions to Ministers and Members*.

Prezan mon pou donn laparol Onorab Loze ki ankor dan lasal, e ki son lanmen zot ti ava remarke ti anler pou en pe letan. Onorab Loze.

HON JOHAN LOZE

Mersi Mr Speaker. *Just briefly* Mr Speaker, mon ti le *inline of Standing Orders* mon ti oule zis oule enform ou ki an se moman nou pe travay san en *quorum* dan Lasanble Nasyonal. Mersi Mr Speaker.

MR DEPUTY SPEAKER

Mersi Onorab. So, parey Onorab in port nou latansyon, annakor avek *Order 10*, i dir ki a okenn moman, si a okenn moman en Manm i met a latansyon Speaker ki annan labsans en *quorum* ki pa prezan dan Lasanble a okenn moman i bezwen annan 17 Manm. E si napa sa, i fer ki nou pa pou kapab *proceed* avek nou *Order Paper* pou ozordi bomaten avek nou *sitting* pou ozordi.

Nou pou bezwen *adjourn*. Selman avan nou *adjourn*, mon vwar i annan 2 Manm ki'n lev lanmen Onorab William ti'n lev lanmen avan.

HON WAVEN WILLIAM

Mersi Mr Speaker. Mr Speaker, mon ti a kontan ganny ou gidans. E sa i ava petet osi en lendikasyon ki direksyon nou pran avek *Standing Order*. E mon anvi port ou latansyon poudir letan nou ti komanse bomaten la, nou ti annan *quorum*. E mon santi poudir lafason ki sa lartik dan *Standing Order* i ete, i kre posibilite pou en nenport kote zwe avek vizavi *quorum*.

So, par lefe ki Manm, nou'n vini bomaten la e ti annan en *quorum*. E mon asire poudir Minis avek son lekip osi ti mazin vini pou reponn kestyon.

So, mon anvi ou gidans si Komite *Standing Orders* dan lavenir pa kapab imedyatman revwar sa lartik. Akoz dan lesans ki mon santi ki i kapab met en lobstak vizavi lentansyon anvi travay par bann Manm Lasanble.

Akoz lafason ki i ete la, i fasilman en kote kapab zwe avek sa par lefe ki i santi poudir keksoz pa'n vin dan son faver baze lo son kestyon ki pa'n ganny aksepte. So, Mr Speaker, i *seek for your guidance*. Mersi.

MR DEPUTY SPEAKER

Mersi Onorab William. Mon ava pas laparol avek Onorab Andre.

HON CLIFFORD ANDRE

Mersi Mr Speaker. Mr Speaker, mwan mon pe al dan en lot laliny. Mon santi ki mon privez pou travay, pou mwan vin travay pou bann dimoun ki'n elekte mwan Anse Aux Pins i ganny afekte. Akoz ou konnen, nou annan travay pou nou fer. Semenn pase, Onorab Cosgrow ti dir ki poudir *Bill* nou napa, nou'n fer zis 2 *Bill*. Kekfwa sa letan ki mannyer nou *Legislative Agenda* ti ete ti permet nou pou pran 2. Nou ti pe al pran, i lo nou program pou nou pran *Bill*.

Ziska ki tan zot pou reste deor? In annan bann konze piblik ki'n vini. Ziska ki tan zot pou reste deor, pou anpes pep Seselwa zouir sa benefis oubyen sa konfyans ki zot in met dan *LDS*? Eski zot pou kontinyen dir nou ki mannyer nou pou travay?

Mr Speaker, letan mon pe get *Standing Order* mon osi santi ki... mon osi santi ki letan nou pe get *Order 10 (3)* i donn nou en serten gidans. I dir ou "*no decision taken by the Assembly shall be invalidated for the sole reason that there was no quorum of the Assembly when the decision was taken*".

Mon konpran ki dan 10 i dir ou, "*if at any time the attention of the Speaker*" Be

selman i pa dir ou ki poudir i obligatwar. Wi i dir ou *“the Speaker shall call for a division in the Assembly, and if no quorum be present”*. So, dan *Standing Order* mon dakor avek Onorab William lo sa kote, nou bezwen revwar aköz si ou dir mwan *“no decision”* apre ki ou’n dir mwan tousala i dir *“no decision taken”*.

Akoz parey nou pe dir, letan nou ti antre bomaten ti annan *quorum*. Nou bezwen fer pep Seselwa konpran ki poudir si ozordi nou pe al aret travay, se pa aköz *LDS* pa oule travay. Se aköz *US* ki pa oule travay.

(APPLAUSE)

HON CLIFFORD ANDRE

E nou pa kapab kontinyen koumsa Mr Speaker.

Akoz mwan mon’n vini mon sorti kot mwan, kot mon reste mon bezwen sorti La Pointe Larue desann Anse Aux Pins epi vin anvil. Savedir mon bezwen al fer letour Anse Aux Pins pou mwan desann anvil. Mon vin travay, e ozordi mon’n vin avek sa zil pou mwan travay. Zot ale, zot dir nou napa *quorum* prezan, prezan get sa ki mannyer keksoz pe ganny fer ki nou bezwen montre nou pep.

Enn i reste, pou li dir poudir napa *quorum*. Me plito ou ti sorti ou ti les nou trankil,

nou ti a travay. Aköz si i pa ganny *raise* Mr Speaker, i pa’n ganny *raise at any time*. Nou kontinyen travay, e okenn desizyon ki ganny pran pa kapab ganny *invalidated as having no quorum*.

So, mwan mon pe dir ki mon vremen dezapwente e mon krwar nou bezwen rod en fason pour nou travay lo nou *Standing Order*. E si i bezwen mon led, mon ti a kontan ganny demande pour mwan ede. Gratwit. Mon pa en Manm Komite. Gratwit mon ava fer li aköz mon krwar ki pep Seselwa *deserves much better*.

E 2025 fer sir ki zot pa met sa bann dimoun la, aköz *they do not deserve. The best option for Seychelles is LDS*, Mr Speaker! Mersi.

MR DEPUTY SPEAKER

Mersi Onorab William e Onorab Andre pour zot lentervansyon.

Evidaman *Order* 10 i koz lo *quorum*. E Manm ki'n sinyal nou poudir napa *quorum*, mon ti pe regard Onorab Andre letan i koze, ler mon lev latet in disparet. So, i reste nou zis 14 Manm dan Lasanble. Evidaman i pa en *quorum* aköz nou bezwen 17 Manm.

Bomaten letan nou'n komans Lasanble, mon'n met a latansyon Lasanble e piblik an zeneral poudir ki nou annan en *Order Paper* tre

sarze devan nou. Nou annan nou 8 kestasyon pour Minis Lagrikiltir, Sanzman Klima avek Lanvironnman Mr Flavien Joubert, ki deza kot Lasanble avek son delegasyon ki'n deplase pou vin reponn bann kestasyon ki bann Manm ti'n soumet.

E sa bann kestasyon ti enkli 2 kestasyon pour Manm US, Manm Elekte pour distrik Baie Ste Anne Onorab Churchill Gill. Nou osi annan en Prozedlwa ki *Curatelle (Amendment) Bill, 2024* ki 9enm Prozedlwa pour 2024.

En Bill *très* enportan ki pe dil avek bann later zeritye ki tous telman, telman nou bann popilasyon, ki ozordi lo bann later zeritye ki ti pou ede sa lamannman ki pe anmennen, met en lord e ki ti pou ed bokou dimoun.

Apré nou annan nou 2 Mosyon ase enportan. Enn dan non Onorab Desheila Bastienne, Manm Elekte pour distrik Perseverance ki pe koz lo size lapropete dan pei. Ki tou resaman in en topik so dan medya. Dan Dyalog an Direk nou'n vwar bann dimoun pe eksprim zot lo la. E ozordi Lasanble ti le azout son lavwa dan sa deba lapropete dan pei.

E apré nou annan en lot Mosyon table par Dirizan Lopoziyon ki annan keksoz pou fer avek S.I. 44 2024 ki koz lo zafer dizef zwazo ki

ankor, en topik tre so dan popilasyon.

Alor nou *Order Paper* pour Mardi e Merkrete ti tre sarze e i ti enportan ki Lasanble i pas dan sa bann travay. Me nou napa *quorum*.

E mwan mon santi, mon santi poudir in en protestasyon, menm letan Lopoziyon i annan tou drwa pou proteste. Me parfwa, si ou protestasyon i malisye pou *obstruct* travay Lasanble Nasyonal. Sa i dezonnnet. Sa i pirman politik.

Akoz ozordi tou bann *public servant*, tou dimoun ki dan bann *state-owned enterprise*, e tou dimoun ki dan Sekter Prive in desann pou al travay.

Akoz Lasanble Nasyonal ki li i ganny peye li osi atraver *Consolidated Fund*, atraver Bidze ki nou menm nou vote, nou swazi pour nou pa travay ozordi Mardi bomaten? Pour mwan sa i pa akseptab.

E sa protestasyon mon pa pe aksepte, e mon pe donn en direktiv Sekretarya pou koup saler tou le 6 Manm *United Seychelles...*

(APPLAUSE)

MR DEPUTY SPEAKER

...ki'n absant travay ozordi bomaten. E nou pou bezwen *adjourn*.

Me mon mon pe demann Lasanble, tou Manm *LDS* ki la anndan pour nou *clock in* demen bomaten 9er. Akoz Lasanble en zour Merkredi, nou dwatet la. E nou pou gete ki *US* pou fer. Swa zot zwenn nou. Swa zot pa zwenn nou.

Me mon pe donn *warning* ankor, si zot deside pa vini zot saler pou ganny koupe ankor parey i pou leka ozordi. Setadir, pou ozordi R1,000 i tire lo saler sak sa bann Manm a leksepsyon sa 4 Manm ki pa dan pei. Avan nou *adjourn*, mon vwar lanmen Onorab Andre anler.

HON CLIFFORD ANDRE

Mr Speaker, mon totalman dakor avek sa *ruling* ki ou'n fer. Me selman mon ti a kontan nou al pli lwen. Zot kestyon ek zot Mosyon ki lo *Order Paper*, tire osi!

(APPLAUSE)

HON CLIFFORD ANDRE

Akoz zot pa'n anvi travay. Tir zot Mosyon ek zot kestyon! Akoz nou bezwen annan en serten lord. Si mwan mon annan en Mosyon ek en kestyon lo *Order Paper*, mon bezwen vini. Oubyen mon pa la, mon bezwen fer sir ki i annan en lot Manm ki demann dan mon plas.

So it's just unfair. Minis parey ou'n dir, in deplase in

vini. Nou bann Minis i annan louvraz pou fer. Si zot, zot pa anvi i vin reponn kestyon, pa bezwen met kestyon lo *Order Paper*, Mr Speaker. Zot pe gat nou letan.

E mwan mon ti a kontan, letan ou'n fer komanter, zis pou ede ki nou fer sa byen. Se pa Lasanble. Akoz letan ou'n dir, ou'n dir Lasanble i pa pe travay oubyen i pa kapab travay. Oubyen nou napa sa *quorum*.

Lasanble nou nou'n vini pour nou travay, menm si i annan nou bann Manm ki aletranze. Se sa bann lot kote ki'n swazir pou fer nou pa travay. Alors mwan mon ti a dir pa zis R1,000 ki devret tire. R2mil akoz, tir R2mil sak fwa zot pa vini, akoz – oubyen anvoy kot nou. Mersi.

MR DEPUTY SPEAKER

Mersi. Donk, avek sa mon a prezant en leskiz piblik Seselwa ki ti annan bann size telman enportan ki konsern zot ozordi, me ki Lasanble pa kapab pran akoz parti Lopozisyon, *United Seychelles* in swazir pour zot pa travay ozordi.

E parey mon dir, i annan 14 Manm *LDS* ki prezan lo *floor*. Apard sa 4 Manm *US* ki pa dan pei, e bann Manm *LDS* ki pa dan pei. Me selman Lasanble ti annan *quorum*. 20 Manm i annan dan pei. Nou

annan *quorum* pou travay. E sa in en desizyon pirman *United Seychelles* pou pa partisip dan travay ozordi.

E alor avek sa, malerezman nou pou bezwen *adjourn*. Nou ava zwenn demen bomaten 9er e nou regarde ki *US* i fer. Nou *clock in LDS*. Si zot pa vini, ankor enn fwa nou pou bezwen koup zot saler. Mersi.

(ADJOURNMENT)